



明宮雜詠卷十八

雜綴

金陵舊內四首

雲機廟神絃

宮人斜

鏤玉筆管歌

紙護頌歌

大內掃雪歌

揀花舍人歌

水戶行

明宮雜詠卷十八目錄

廊下內酒歌

西苑烘菜歌

西內白狐歌

滇南貢石歌

兔兒山登高歌

十二月樂詞十二首

附錄一首

宮中行樂詞八首



明宮雜詠卷十八 雜綴

長沙 饒智元

珊叔

金陵舊內四首

靈和春盡草蕭蕭
花落鶯啼送六朝
滿苑柳陰涼欲
雨隔溪桃葉細
通潮翠華去後
無消息瓊樹歌
殘竟
寂寥南內月
明臺殿影媚
蘭仙子舊魂銷

雨絲風片秣陵舟
江令歸來已白頭
燕子箋成亡國
恨桃花扇引故官
愁殘燈莫話金鑿
事擁髻還悲玉
樹秋記得芙蓉臨
水殿碧荷深處溼
螢流

明宮雜詠卷十八 雜綴

一 湘深館叢書

臺城寂寂閉荒烟
湖上青山泣杜鵑
莫道長江橫鐵
鎖那知諸將啟金
川仙人淚落銅駝
陌帝子魂歸錦
纜船逐燕歌成
終古恨行人猶說
建文年

靈璫森沈宮樹秋
屬車猶憶昔年游
吳宮花草愁中
沒梁苑烟波畫裏
收梅帳蝶衣成故
事玉簫瑤瑟付
清流隔江誰唱南
巡曲暮雨瀟瀟十
四樓

聖祖仁皇帝御製詩集再過明故宮樓臺金粉已沈
銷不獨詩人說六朝月落宮垣春寂寂經過惟歎草

蕭蕭

高宗純皇帝御製詩集過明故宮詩注明成祖建北
京時移宮殿鉅材北上以備營建故柱礎石豨無恙
惟木則無存此蓋別有深意云宮室規制與北京同

蓋北京取式於此猶新豐之不改市肆也 筠廊隨

筆金陵禁中有五穀樹前朝搢紳往往見之 幔

亭集金陵故宮先朝遺殿開塵埃零落空勞過客

哀五夜銅壺乾罷滴六宮金鎖澀難開翠華去後

全無影羅綺焚餘尚有灰弓劍盡埋烟樹冷椒房

一半上蒼苔 又金陵懷古 臘脂歲久銷宮井苔

蘇春深繡御筵往事淒涼無限淚傷心最是建文

年 升恆堂集南京懷古一自燕山開御苑月明

南內鎖蟠螭 土音集前故宮詩三百年來思未

酬宸居何意卧羈囚先皇製就琉璃瓦還與孤臣

作枕頭武英舊殿百花西袞衮朝臣待漏齊十九

人今無別夢冬青枝上鷓鴣啼 有覺集自注蝶

衣梅帳皆寓天寶近事 夢樵詩話南甯伯毛順

臣畱守南都灑掃舊內見別院牆壁多宮人題詠

有句云寒氣逼人眠不得鐘聲催月下斜廊款日

媚蘭仙子 敬業堂集金陵雜詠灑掃他時屬內

官鐘聲好句逼人寒御溝儘有流紅事塵壁傷心

是媚蘭 國朝金陵詩徵金陵懷古紅箋燕子畱

明宮雜詠卷十八 雜錄

二 湘輝館藏書

春影綵扇桃花漬淚痕 又端木煜過明故宮趁

涼人歇青油繖小市皇陵水雪瓜 又翁桂峯明

史詩玉殿選聲朝中酒吳綾蘸筆夜填詞 金陵

雜詠舊王府注本元御史臺明太祖爲吳王居之

後謂之舊內 西澗集舊內詩舊內環青溪云是

吳王宮 金陵覽古詩舊內依稀臺殿畱殘碣寂

寞河山

倚夕陽

雲機廟神絃

璇宮夜靜停金梭碧鸞尾掃雲透迨瓊風急渡銀

河仙妹微睇生層波望仙樓上飛烏鵲鳳笙吹徹五

雲落奕奕神光照珠幕靈風滿旗飛綽綽鴛鴦豔錦

不成章天孫傳授日七襄百結同心萬匹長君王服

此壽無疆

瑤華集箋蠶池明時宮人織錦之所今止
存雲機廟故基 宸垣紀略蠶池鄰西苑

宮人斜

幽蘭作花香不死青天碧海秋如此環佩琤琤月明
中燐光夜走昭陽宮雲廊水殿土花碧哀蟬嘶老青
梧桐年年寒食棠梨雨羅襪成灰泣村女定情細合
那堪弄蒼苔蝕斷釵頭鳳

宸垣紀略靜樂堂在慈慧寺後二里皆葬宮人處
所謂宮人斜查嗣瑛詩夜半宮人斜畔月冷隨環
佩禮空王

欽定圖書集成

古葬宮人之所謂宮人斜京城阜城

雜錄

三

涇陽縣志

門外五里許有靜樂堂磚甃二井屋似塔南通方
尺門謹閉之井前結石爲洞四方通風宮人有病
非有名稱者例不賜墓則出之禁城後順貞門傍
右門承以斂具昇出神武門經北上門北中門達
安樂堂授其守者召本堂土工移北安門外易以
朱棺禮送之靜樂堂火葬塔井中凡宮人故必請
旨凡出必以銅符合符乃遣嘉靖中有貴嬪捐貲
易民地數畝其焚爐不願井者悉納地中 水部
備夜內官監成造定粉等粉御用彩漆膳桌膳合
託合之類供應宮殿牀桌器皿生鐵錫竈砂鈿磬
盤等件預備宮
人內官棺木

鏤玉筆管歌

健仔自製琉璃筆黃金爲牀玉爲室簪花細字注起
居綠綈飛下昭陽書小砌紅綃吟璧月臨春閣倒黃

塵沒魏毫歲進三萬枝青蛾老淚如連絲夢華爲記
西京事地下香魂知不知

西河詩集戴公南歸餽余故宮人所用鏤管玉管
二枝詩云彤管分金縷丹毛被綠瑛長門曾寫賦
東觀舊修書湘竹隨巡去簪花供奉餘錦囊才啟
視雙淚落衣裾 工部志司禮監每歲成造上用
並進宮兔毛毫共二萬九千九百餘枝 遵生八
箋大內灑金五色粉箋五色大簾紙灑金箋最細
密有等白箋堅厚如版兩面硃光如玉潔白有印
金花五色箋紙又若磁青紙堅韌可寶多用寫泥
金字經有等藍色者薄而不佳 客燕雜記內用
紙曰楮皮曰經榜曰玉版曰夾連曰闕板曰高麗
繭紙內造紙曰五色硃光粉箋曰畫龍金
箋曰厚粉五色箋曰灑金箋曰玉紅箋

紙護頌歌

明宮雜詠卷十八

雜綴

四

湘陰館叢書

玉牋上貢三千番裁爲衣領輕素紈香雲圍暖蛩螿
嫩綠鬢夢壓粉痕褪景陽鐘動起嚴妝攬衣欲棄猶
徬徨那堪顏色都非故種花無語怨朝暮昭陽隊裏
莫恃恩昨宵護領今安存

戒菴漫筆宮女衣皆以紙爲護領一日一換欲其
潔也江西玉山縣所貢 青藤書屋集宮人入道
詩云昭陽隊裏淫鉛華垂老參師日半斜不向秋
風怨團扇都教明月進琵琶朝番楚簾身爲兩夜
繡茅君線作霞見說緱山開姊妹尙
論恩寵舊淮家自注明月宮女名

大內掃雪歌

建章簷溜冰花結萬戶千門凍飛雪薰籠倚斷香絲

滅翠衾夜擁湯婆熱宮監催開蒼震門京營點進三
千人卅六宮中掃玉塵瓊樓銀殿參差春濯龍阻絕
外家信擲與金錢爲問訊浣紗女伴休相憶雙鬢梅

花共一色

副中志着震門恆閉遇掃雪則開野獲編向闕
今禁掖中凡被選之女一登籍入內卽解去足紬
別作宮樣蓋取便御前奔趨無顛蹶之患全與民
閒初製不侔予向寓京師隆冬遇掃雪軍士從內
出始得宮婢敝履相示始信其說不誣又大內
每於雪後卽於京營內撥三千名入內廷掃雪輸
番入或其年雪湧有至三數度者輒得宮婢所
入管敝履以示外人亦有游閑少年代充其役
以禁掖宮殿者韻石齋筆談清化閣帖碑板
不知何年入於禁中正德間吾邑河莊七峰孫中

明宮雜詠卷八

五 湘源齋叢書

翰好古博雅遊於京師頗善內臣蕭敬武宗翠華
巡幸敬常居守其時功令稍寬敬引七峰觀大內
至一小殿見殿角堆積碑板七峰諦視之律徊不
去敬曰內庭萬石千門卽西苑一隅非竟日可悉
君津津於朽木何爲者哉七峰曰此宋刻渣化帖
也余愛其結體清拔轉折飛動有風旋電激之勢
冠絕外庭諸本是以觀耳敬謂子欲之乎當爲圖
之孫謝不敢敬有心人也亦善草書歲暮大雪傳
旨掃除敬敬御前云內庭有廢材并宜移出帝可
其奏敬卽以帖板致之七峰七峰驚喜逾涯以錦
囊密貯攜之歸里當時善書如文徵仲祝希哲諸
公鑑定可與宋搨閣帖方駕求者填門吳中爲之
紙貴京口楊文襄與孫爲姻家戒之曰碑板出自
禁庭紛紛傳搨儻爲人指摘禍且巨測竊爲君危
之七峰篤好此板不忍付之水火亟以原搨另刻
十卷以應求者謂之二號帖宋刻則稱上號馬後
因家僮夜博不戒於火兩本俱失流傳人聞者
眞同吉光片羽而上號尤爲賞鑑家所重

揀花舍人歌

秦淮宮殿照波綠，繞河花樹紅。
行手執筠籃，競相逐奉先神監。
催餽霜千紅，萬紫春風香分賜。
六宮助顏色，銀絲排簇雲鬢光。
自從神鼎遷，燕甸黃金鎖閉臺。
城殿年年二月桃李開，春風無力流鶯轉。

宸垣識略南京舊製有揀花舍人額設五百名蓋當年供宗廟薦新及玉食糖棹之用今廢久矣五百揀花三千掃雪亦兩都佳話也光祿寺志長春房探四時花釀酒處也餘事集金陵春夜聽人度曲憶昔南內修宮殿迎得君王好游宴詔書只選如花人人歌喉妙入神

明宮雜詠卷十八

雜詠

六 補添館叢書

水戶行

玉鬢汲取桐華水，平明擔向鳳城裏。
長安甲第如雲屯，挈瓶出入公侯門。
曉窗風啟黃鸝語，簾中瞥見垂髫女。
詔書忽下選蛾眉，縣官捕去簽名追緝紗涕泣。
休相怨，昨日衡茅今戚畹，生男勿喜女勿悲，君不見

闕門鄭貴妃

舊京遺事京師擔水人皆係山中客戶雖詩禮之家擔水人皆得窺其室是以遇選宮人大興宛平兩縣拘水戶報名定籍莫得匿焉

廊下內酒歌

棗花簾外飛香遍離離甘實秋霜鍊內家釀酒秘不
傳盈杯翻覺葡萄賤三十四門春晝長殷紅遞進琥
珀光玉缸花撲生清香珠漂酒面凝瑤觴臨芳殿裏
曲宴張玉體融和樂無疆龍頭瀉酒梨雲芳酒星下

視錫吉祥

西河詞話京師老酒家有能造廊下內酒者每倍
其值相傳明代大內御酒房後牆有名長連者閱
三十一門其前層短連闕三門共三十四門並在
元武門東名廊下家凡內官答應長隨於此造酒
射利其酒殷紅色類上海琥珀光者 明宮史各
門所栽棗樹森鬱其實甘脆異常眾長隨各以麪
造酒所謂
廊下內酒

明宮雜詠卷十八

雜綴

七

補深館叢書

西苑烘茶歌

春盤致孝奉先殿早蔬竟備非時薦灰池一夜回陽
春黍谷何勞吹律變綃帷繡幕重重遮御園衝雪開

唐花長安市中春更早除夕呼賣雙王瓜

宸垣識略西苑門迤南明時爲灰池種植瓜蔬於
坑洞內烘養新菜以備春盤薦生之用立春日進
鮮蘿蔔名曰咬春 人海記明朝內監不惜厚值
購早蔬以供御庖嘗聞除夕市中有賣王瓜二枚
者內官問其價索百金許以五十金市者大笑故
噉其一內官亟止之所餘一枚竟售五十金而去
水部備考司苑局進用蔬菜俱有竹籃筐盒裝
盛合用物料 光祿寺志奉先殿薦新品物正月
韭菜生菜薺菜雞子鴨子二月芥菜薑菜萁蒿子
鷺新冰三月茶筍鯉魚鵪鶉四月燕猪雉雞青梅

王瓜杏子櫻桃白酒五月小麥麩沙糖紅豆嫩雞
桃子大麥茄子李子來禽蒜薑煮酒六月冬瓜甜
瓜西瓜蓮蓬七月葡萄棗子解菱雪梨茭實八月
茭白嫩薑鱖魚鮮藕粳米粟米糯米芋苗九月編
魚小紅豆沙糖栗子橙子石榴柿子生酒十月山
藥蜜活兔柑子橘子米糕豆腐蓼花米糖細糖銀
魚子鱈魚魚凍十一月蕎麥麩紅豆沙糖甘蔗
獐子天鷲鹿雁十二月菠菜鮑魚白魚風鮑魚

西內白狐歌

穆滿西征得白狐閉置籠中以爲娛猴可弄馬可舞
承旨金帶貓能言雪衣鷓鴣彼龐龐九尾不若一辟塵
塵指揮者象耶將軍者虎耶三宮子粒苦不足如何
率獸食人肉

明宮雜詠卷十八 雜綴

八 湖徐會職書

露書穆天子得白狐以爲異以天下無粹白之狐
也今西內有白狐居籠中甚馴 爾青日札內監
蟲蟻房虎豹犀象各有職秩有品料如虎食將軍
俸象食指揮俸不甚於秦松之大夫漢柏之將軍
乎 故宮詩經歲宮闈鼠雀消更拾蝴蝶過牆遙
狸奴饒有勤勞績救賜黃金帶一條 宛畧雜記
明朝有宮莊屬慈慶慈寧乾清三宮故歷朝以來
各府州縣設官田地子粒徵銀濟邊而以其餘繫
之進宮項下備給賞之用謂之三
宮子粒著爲令甲刊之上供正額

滇南貢石歌

君不見汴都良嶽希世寶金人移作瓊華島又不見
仁壽宮前小石山元代折糧車班班滇南靈秀鍾奇
石細膩花紋閒丹赤崎嶇萬里金牛驛移入宮門等

球壁泰山喬嶽起咫尺雲霞出海天爲碧瓊包席裏
四十積雲陰洱海山靈哭誰憐階下白石頭西山拽
下萬人愁

泉南雜志乾清坤甯二宮告成需石陳設漢中以
石四十積分製佳名以進曰春雲出谷曰太山喬
嶽曰神龍雲雨曰天地交泰各大五尺一寸曰玉
輻日光大五尺曰河洛獻瑞曰元嶂雲收曰江漢
朝宗曰奇峰疊出曰海山朝旭各大四尺一寸曰
錦雲碧漢曰虹臨華渚曰雪溪春水曰羣峰獻秀
曰麟趾呈祥曰龍翔鳳舞各大四尺曰一碧萬頃
曰雪巖春霽曰雲霞出海各大三尺曰萬山春曉
曰一山烟雨曰百川霖雨各大三尺五寸曰溪大
晴靄大三尺一寸曰壽山福海曰雲漢麗天各大
三尺六寸曰湖光山氣曰函關紫氣曰春山烟雨
曰卿雲綯采曰雲霞出海各大三尺五寸曰龍飛

明宮雜詠卷十八

雜綴

九

涇溪館書

碧漢大四尺八寸山水人物屏石八塊曰山川出
雲大三尺九寸五分曰烟波春曉大三尺四寸曰
白雪春融大三尺三寸曰雲龍出海曰槎汎斗牛
各大尺五寸曰春雲出谷曰海晏河清曰振衣千
仞各大二尺九寸時歲己亥三月也 戒菴漫筆
乾清宮階墀取西山白玉石鑿爲五級以萬人拽
丈澗一丈二尺厚二丈五尺鑿爲一壺長五
尺鑿一井以飲拽夫名萬人愁 西清筆記
聖祖仁皇帝諭旨聞一老內侍言崇禎末兵革擾亂
帝於宮中習學騎馬左右扶掖以上不數步即墜內
臣謂馬不任驕命杖之又移一假山石至午門不能
入內臣奏石不肯進門亦命杖而棄之明代宦侍蔽
惑人主
如此

免兒山登高歌

漢宮善釀菊花酒百杯不醉人長壽昨宵催製菜萸

囊兔兒山上作重陽風風雨雨羅幃單溼螢滿殿生

秋寒殘燈不記金鑾事須問當年賈佩蘭

金釐退食筆記兔園山在瀛臺之西由大光明殿南行疊石爲山穴山爲洞東西分徑紆折至頂殿曰清虛俯瞰都城歷歷可見砌下暗設銅甕灌水注池池前玉盆內作盤龍昂首而起激水從盆底一竅轉出龍吻分入小洞復由殿側九曲注池中喬松數株參立古藤縈繞懸蘿下垂池邊多立奇石一名小山子又曰小蓬萊其前爲曲流觀鰲石引水作九曲流觴老監云明時重九或幸萬歲山或幸兔兒山清虛殿登高宮眷內臣皆著重陽景菊花補服喫迎霜兔菊花酒

十二月樂詞十二首

正月

明宮雜詠卷十八

雜綴

十

湘陰館叢書

百子池頭蓬餌芳三素飛雲下紫皇仙妾迎年垂赤囊玉缸酒熟紅梅香融風吹暖萬年殿藏彊戲玉傳柑宴春籬千鹿花底歸淡黃宮柳露光微

酌中志正月初一日正旦節自年前臘月二十四日祭竈之後宮眷內臣卽穿葫蘆景補子及蟒衣各家皆蒸點心儲肉將爲一二十日之費三十日歲暮卽互相拜祝名曰辭舊歲也大飲大嚼鼓樂喧闐爲慶賀焉門旁植桃符板將軍炭貼門神室內懸掛福神鬼判鍾馗等畫牀上懸掛金銀八寶西番經輪或編結黃錢如龍簷楹插芝蔴院中焚柏枝柴名曰燭歲正月初一五更起焚香放紙厥將門撮或木楨於院地上拋擲三度名曰跌千金飲椒柏酒吃水點心卽扁食也或暗包銀錢一二於內得之者以十一年之吉是日亦互相拜祝名曰賀新年也所食之物如曰百事大吉盒兒者

柿餅荔枝圓眼栗子熟棗其裝盛之又驢頭肉亦以小盒盛之名曰嚼鬼以俗稱驢爲鬼也立春之前一日順天府於東直門外迎春凡勳戚內臣達官武士赴春場跑馬以較優劣至次日立春之時無貴賤皆嚼蘿蔔曰咬春互相請宴吃春餅和菜以綿塞耳取其聰也自歲莫正旦咸頭戴鬧蛾乃烏金紙裁成畫顏色裝就者亦有用草蟲蝴蝶者或簪於首以應節景仍有真正小葫蘆如豌豆大者名曰草里金二枚可值二三四不等皆貴尙焉初七日人日吃春餅和菜自初九日之後卽有喫燈市買燈喫元宵其製法用糯米細麩內用核桃仁白糖爲果餡灑水滾成如核桃大卽江南所稱湯圓者十五日曰上元亦曰元宵內臣宮眷皆穿燈景補子蟒衣燈市至十六更盛天下繁華咸萃於此勳戚內眷登樓玩看了不畏人斯時所尙珍味則冬笋銀魚鵝麻辣活兔塞外之黃鼠半翅鷄雞江南之密羅柑鳳尾橋漳州橋橄欖小金橋風菱脆藕西山之蕪菓軟子石種之屬水下活蝦之

明宮雜詠卷十八 雜錄

土 州條節書

類不可勝計本地則燒鷄雞鴨猪肉冷片羊尾爆炒羊肚猪腸大小套腸帶油腰子羊腸猪裏肉黃類管兒脆圍子燒笋鷺雞燂魚柳蒸煎鱸魚酒煮鶴鷄雞醢湯米爛湯八寶攪湯羊肉猪肉包棗泥餛糊油蒸餅乳餅奶皮素蔬則眞肉之雞縱五臺之天花羊肚菜雞腿銀盤等蕨菇東海之石花海白菜龍鬚海帶鹿角紫菜江南蒿笋香葷遼東之松子蘇北之黃花金針都中之土藥土荳南都之苦菜武當之鷹嘴笋黃精黑精北山之榛栗梨棗核桃黃連茶木蘭芽蕨菜蔓菁不可勝數也茶則六安松蘿天池紹興芥茶徑山虎邱茶也凡遇雪則暖室賞梅吃炙羊肉羊肉包渾酒牛乳先帝最喜用炙蛤蜊炒鮮蝦田雞腿及笋鷄脯又海參鱈魚鯊魚筋肥雞猪蹄筋共燴一處恆喜用焉十九日名燕丸是也都城之西南有白雲觀者云是勝國時邸真人成道處此日僧道輻輳凡聖湏雜助戚內臣凡好黃白之術者咸遊此訪丹訣焉自十七日至十九日御前安設各樣燈盞撒之也

二十五日日填倉亦醉飽酒肉之期也 傍秋亭
雜記內法酒總名長春有上用甜苦二色給內閣
者以黃粟學士以紅粟 卧子集雙雕秋渡海羣
鹿夜尋沙注苑中鹿冬時輒逸海濱食鹽黍始歸

二月

麗日上雲旌杏花初白桑葉生車如流水柳如城臨
軒錫鼓飛春聲千門萬戶春雲晴曲殿時聞吹鳳笙
海棠洩露香淺清朝來撲蝶鉤欄下御厨分賜桃花
鮮

酌中志二月初二日各宮門撤出所安彩裝各家
用黍麩棗糕以油煎之或曰麩和稀攤爲煎餅名
曰薰虫是月分菊花牡丹凡花木之窠藏者開隙
放風清明之前收藏貂鼠帽套風領狐狸等皮衣
食河豚飲蘆芽湯以解其熱各家煮
過夏之酒此時吃鮮名曰桃花鮮也

明宮雜詠卷十入

雜綴

三 湘祿館叢書

三月

飛樓複殿青春深花枝入簾春晝陰海棠片片香雲
薄東風吹上鞦韆索繡羅衣裳蹙金雀芳蘭牢記踏
青約阿甄十五上陽院柳絮濛濛落如霰沈檀墮髻
不成眠自啟珠櫳放雙燕

酌中志三月初四日宮眷內臣換穿羅衣清明則
鞦韆節也帶楊柳於鬢坤寧宮後及各宮皆安鞦
韆一架凡各宮之溝渠俱於此時濬之竹篾排棚
大木桶及天溝水管俱於此時油艫之并銅缸亦
刷換以新汲水凡內臣院大者卽製蓆箔爲涼棚
以繩收放取陰也聖駕幸回龍觀等處賞海棠窰

中花樹盡出園圃臺榭藥欄等項咸此月修飾富貴人家咸賞牡丹花修涼棚二十八日東岳廟進香吃燒笋鴨吃涼餅糯米麩蒸熟加糖碎芝蔴卽糍巴也吃雄鴨腰子大者一對可值五六分傳云食之補虛損也北京歲華記上巳日上穀祠清明日始賣冰以兩銅盞合而擊之次日花木皆出窰播瓜菜種於地後三日新茶從馬上至至之日宮價五十金外價三二十金不一二日卽二三金矣

四月

西山雨後生新綠迢遞層樓上初旭夾羅委篋宮紗
輕中使玉盤進朱櫻荷錢暈碧生微波槐影橫窗午
夢多鷓鴣一聲可奈何

明宮雜詠卷十八

雜綴

三

湘深館叢書

酌中志四月初四日宮眷內臣換穿紗衣欽賜京官扇柄牡丹盛後卽設席賞芍藥花也初八日進不落夾用葦葉方包糯米長可三四寸潤一寸味與糗同也是月也嘗櫻桃以爲此歲諸果新味之始吃笋鷄吃白煮猪肉以爲冬不白煮夏不媿也又以各樣精肥肉薑蒜到如豆大拌飯以蒿苳大葉裹食之名曰包兒飯造甜醬豆豉初旬以至下旬更西山香山碧雲寺等更西直門外之高梁橋涿州娘娘馬駒橋娘娘西頂娘娘進香二十八日藥王廟進香吃白酒水水酪取新麥穗煮熟剝去芒殼磨成細條食之名曰稔轉以嘗此歲五穀新味之始也司禮監有一種扇以墨竹爲骨色淺箋紙面兩面楷書寫論語內六字一句成語極易脫裂不知費多少工價方成一把似此損耗無益宜裁省可也酌中志兩庫之間有槐一株自徽音門南望枝幹扶疏翠茂可愛

五月

璇題懸麗日瑤軫生薰風扇紋蕉葉翠裙衩榴花紅
學畫辟兵符羞懸合歡縷西苑門龍舟隱隱聞簫鼓

酌中志五月初一日起至十三日止宮眷內臣穿
五毒艾虎補子蟒衣門兩旁安菖蒲艾盆門上懸
挂帛屏上畫天師或仙子仙女執劍降毒故事如
年節之門神馬懸一月方撤也初五日午時飲殊
砂雄黃菖蒲酒吃糗子吃加蒜過水麩賞石榴花
佩艾葉合諸藥畫治病符聖駕幸西苑鬪龍舟划
船或幸萬歲山前插柳看御馬監勇士跑馬走解
夏至伏日戴葷蘇子葉吃長命菜卽馬齒莧也

六月

椰子杯碧芳酒盈盤玉瓜與銀藕君王避暑翠微宮

畫舸笙歌雲水中玉面荷花相映紅

明宮雜詠卷十八

雜俎

西

湘溪館叢書

酌中志六月初六日皇史宬古今通集庫曬曝吃
過水麩嚼銀苗菜卽藕之新嫩秧也初伏日造麩
惟以白麩用菜豆黃加料和成曬之立秋之日戴
楸葉吃蓮蓬藕曬伏薑賞茉莉梔子蘭芙蓉等花
先帝愛鮮蓮子湯又好用
鮮西瓜種微加鹽焙用之

七月

羅幃識秋氣綾扇怨涼颺星懸楊柳陌露下芙蓉池
庭梧稍脫葉巖桂欲舒枝絳渚悲遙夜鉞樓惜良期

明知妾薄命好畫長蛾眉

酌中志七月初七日七夕節宮眷穿鵲橋補子宮
中設乞巧山子兵仗局伺候乞巧針十五日中午
甜食房進供佛波羅蜜西苑做法事放河燈京都
寺院咸做盂蘭盆追薦道場亦放河燈於臨河去

處也是月也吃鱔魚爲盛會賞桂花鬪促織善鬪者一枚可值十餘兩不等各有名色以賭博求勝也乘筆唐太監之徵鄭太監之惠最識促織好蓄鬪爲樂光祿寺志七夕各宮供像生牛郎織女從人麒麟象羚羊海馬獅子獬豸兔海味糖果糖菜俱用白糖澆成

八月

孤鶴警清露新雁唳高雲當階柿葉陰入座桂香薰

堂拗吟促織簾隙貼秋蠶贈子團圓餅看看淚溼裙

酌中志八月宮中賞秋海棠玉簪花自初一日起卽有賣月餅者加以西瓜藕互相餽送西苑曉藕至十五日家家供月餅瓜果候月上焚香後卽大肆飲啖多竟夜始散席者如有剩月餅仍整收於乾燥風涼之處至歲暮合家分用之曰團圓餅也始造新酒蟹始肥凡宮眷內臣吃蟹活洗淨蒸熟

明宮雜詠卷十八

雜錄

五洲雜詠

五六成羣攢坐共食嬉嬉笑笑自揭膾蓋細將指甲挑剔蘸醋蒜以佐酒或別蟹胸骨入路完整如蝴蝶式者以示巧焉食畢飲蘇葉湯用蘇葉等件洗手爲盛會凡內臣多好花木於院宇之中擺設多盆並養金魚於缸羅列小盆細草以示侈富有紅白鞭子大石榴是時各剪離枝甘甜大瑪瑙葡萄亦於此月剪下缸內着少許水將葡萄枝懸封之可留至正月尙鮮酌中志長庚橋南有柿一株高二丈餘每至霜後實懸樹杪丹色可愛

九月

海光蕩漾碧雲色虬水沈沈催漏刻黃花疊萼堆層

榭井梧落葉鴉啼夜素月寒光上簾額芙蓉繡帳夢

沈碧那識離宮秋夜長博山燒盡沈水香

酌中志九月御前進安菊花自初一日起吃花糕宮眷內臣自初四日換穿羅重陽景菊補子蟒衣九日重陽節駕幸萬歲山或免兒山旋磨山登高吃迎霜麻辣兔飲菊花酒是月也糟瓜茄糊房窗製諸菜蔬抖曬皮衣製衣禦寒

附錄一首

側室胡淑蓉初

颯颯梧桐秋夜雨碧紗窗外寒蟲語芙蓉帳暖未成眠海水漏盡將明天宮樣妝成還對鏡金蟬低壓霜花硬獨步迴廊瓊珮響參差臺殿蛛絲網倦倚彫闌喚鸚鵡柳腰猶似綠珠舞

十月

明宮雜詠卷十八

雜詠

七

湘陰館叢書

禁城紅葉飛霜乾象齒薰鑪煙篆寒合歡翠被眠不得曙燈垂穗澹無色壽陽嬌小梅花妝王孫挾彈狐裘黃蚤起調鷹出苑牆

酌中志十月初一日頒歷初四日宮眷內臣換穿紵絲吃羊肉炮燭羊肚麻辣兔虎眼等各樣細糖凡平時所擺玩石榴等花樹俱連盆入窖吃牛乳乳餅奶皮奶窩酥糕鮑螺直至春二月方止是月也始調鷹
敗獵鬪雞

十一月

緹宮瑋動微陽還雪壓巖城鐘漏寒貂帳圍春護鸚鵡面脂冰堅澀釵股曉來呵筆染梅萼北風努力敲

簷鐸

酌中志十一月是月也百官傳帶煖耳冬至節宮
眷內臣皆穿生陽補子蟒衣室中多畫綿羊引子
畫帖司禮監刷印九九消寒詩圖每九詩四句自
一九初寒纔是冬起至日月星辰不住忙止皆瞽
詞俚語之類非詞臣應制所作又非御製不知如
何相傳耳久遵而不改近年多易以新式詩句之
圖二三種傳尚未廣此月糟醃猪蹄尾鵝腕掌羊
肉包扁食餛飩以為陽生之義冬笋到則不惜重
價買之是月也天已寒每日清晨
吃辣湯吃生燻肉渾酒以禦寒

十二月

雪花凝素照芳殿玉鑪香暖紫絨薦春浮柏葉不知

寒自拈金薄圖神燕

明宮雜詠卷十八

雜綴

七

湘澤館叢書

酌中志十二月初一日起便家家買猪醃肉吃灌
腸吃油渣滷煮猪頭燴羊頭爆燻羊肚煨鐵腳小
雀加雞子清蒸牛白酒糟蜆糟蜆煤銀魚等魚醋
溜鮮鮑魚鯉魚欵賞臘入雜果粥米是月也進煖
洞薰開牡丹等花初八日吃臘入粥先期數日將
紅棗搗破泡湯至初八早加粳米白米核桃仁菱
米煮粥供佛聖前戶牖園樹井竈之上各分布之
舉家皆吃或亦互相餽送誇精美也二十四日祭
竈蒸點心辦年競買時興綉緞製衣以示侈美豪
富三十日歲暮守歲乾清宮丹墀內自二十四日
起至次年正月十七日止每日晝閒放花炮遇大
風暫止半日一日其安齋山燈扎烟火聖駕陸座
伺候花炮聖駕回宮亦放大花炮前導皆內官監
職掌其前導擺對之滾燈則御用監燈作所備者
也 舊京遺事禁中歲除各宮門改易春聯及安
放絹畫鐘馗神像像以三尺長素木小屏裝之綴
銅環懸挂最為精雅 明典故紀聞故事自冬至
後至立春日殿前將軍甲士賜酒肉名曰頭腦酒

酌中志惜薪司宮中用紅籬炭皆易州一帶山中硬木燒成運至紅籬廠按尺寸錙截編小圓荆筐用紅土刷筐而盛之每根長尺許氣暖而耐久灰白而不爆又廠中有香匠塑造香餅獸炭又宮中膳房用馬口柴

宮中行樂詞八首

城闕開初旭樓臺合曙霞池光朱絡映樹影玉欄斜
歌扇遮蛾綠春衫點石華宮鶯最多事銜出上陽花
春入金缸暖雲生鏡殿寒飛樓明絳蠟複道蒸沈檀
侍女眉如月天人氣若蘭今宵催出閣新進保和丸
生小黃金屋徘徊白玉牀容華豔桃李音響媚笙簧

明宮雜詠卷十八

雜錄

七

補錄館叢書

花壓金鈿鞞風輕寶袂香迴廊聞鳳吹知是近昭陽
落盡涼蟾影君王在北臺陽春白紵舞天樂紫雲迴
鈴匝雕屏掩飄搖燭卸來玉筵猶未撤銀箭莫相催
西苑蓮風起南窗桂月光華余明夜色羅薦暖秋香
只道承恩好誰知清漏長含情獨不見自刻玉鴛鴦
日暖披香殿春歸重壁臺海棠迎露發紅藥倚雲裁
玉女投壺罷天公拍板催今朝開曲宴花外輭輿來
碧沼通銀漢芙蓉映日紅綺羅花影外絃索水聲中
帆轉翔文鷁橋迴落彩虹采蓮歌調緩吹入綠楊風

校獵長楊苑經過五柞宮春旗飛翠羽小隊簇芙蓉

如子初騎馬才人盡帶弓晚來鏡吹發帳殿燭花紅

春明夢餘錄午門之內曰皇極門左曰弘政門右曰宣治門旁曰歸極門曰會極門皇極門內東曰文昭閣西曰武成閣上曰皇極殿中曰中極殿後曰建極殿所謂三大殿也中極滲金圓頂如穿堂之制建極殿後曰雲臺門東曰後左門西曰後右門亦名曰平臺又東則景運門西則隆宗門中則乾清門上則爲乾清宮崇禎八年八月初四日題敬天法祖牌懸於內東暖閣曰昭仁殿先名弘德西暖閣曰弘德殿先名肅離左曰日精門門之北西向曰端凝殿右曰月華門門之北東向曰懋勤殿左小門曰龍光右小門曰鳳彩西御懋房萬曆中更壽安居乾清宮後披簷東曰思政軒西曰養德齋中圓頂則交泰殿上則曰坤寧宮皇后所居坤寧東露頂曰貞德齋西露頂曰養正軒東披簷

明宮雜詠卷十八

雜綴

九
湘深館叢書

曰清暇居北圍廊曰游藝齋左曰景和門右曰隆福門再北左曰端則門右曰墓化門便接瓊苑左右門矣此中一路之大略也乾清宮門後過日精門之東曰崇仁門先名迎祥稍南則曰奉慈殿萬曆中改東裕庫曰弘孝殿崇先殿改爲神霄殿日精門往北曰順德左門則東一長街也再北向西與龍光門斜對者曰咸和左門先名百福向南者曰景仁宮先名長寧其東則東二長街也南首麟趾門先名壽春北首于嬰門先名慶安麟趾門之東曰延禧宮曰怡神殿再東曰嘉德左門再東曰蒼震門咸和左門之北向西與景和門相對者曰廣和左門向南者曰承乾宮先名永寧東宮貴妃所居東二長街之東曰永和宮先名永安廣和左門之北向西與端則門相對者曰大成左門先名長慶向南者曰鍾祥宮皇太子所居前殿曰興龍宮後曰聖哲殿其後小院曰龍德齋東二長街之東曰景陽宮先名長陽于嬰門之北竝列者則乾東之房五所宮正司六尙局皆在乾清宮之東此

東一路之大略也乾清宮門後過月華門之西曰
遵義門即膳厨門向南則養心殿西南則祥寧宮
宮前向北者曰無梁殿嘉靖中煉丹藥之所月華
門之西南者曰隆道閣原名道心閣即皇極閣下
曰仁德堂閣東曰忠義室曰仁蕩門先名會極下
義平門先名歸極西南則慈寧宮矣月華門往北
曰順德右門則西一長街也再北向東與鳳彩門
斜對者曰咸和右門先名廣安南者曰毓德宮原
名安樂宮後又改永壽宮則西二長街也北首曰
百子門南首蠡斯門西曰敬祥宮原名未央宮內
一石坊北曰聖本肇初南曰元德永衍先曰真元
茂始慶澤無終蓋興獻帝所生之地再西曰嘉德
右門先名景福曰隆德殿即元極寶殿祀三清神
左有容軒右無逸齋配殿左曰春仁右曰秋義再
西北曰英華殿先名隆禧有菩提樹二株北則北
角井再西則咸安宮先名咸熙咸和右門之北向
東與興福門相對者曰廣和門南向者曰胡坤宮
西宮貴妃所居西二長街之西曰長春宮更永寧

明宮雜詠卷十八

雜錄

三洲派館叢書

後仍改長春宮廣和右門與基化相對者曰大成
右門向南者曰儲秀宮先名壽昌西二長街之西
曰咸福宮先名壽安又後則乾西之房五所此西
一路之大略也坤寧宮所謂中宮也宮後則爲後
苑欽安殿在焉曰天一之門萬春亭千秋亭對育
軒更名玉芳軒清望閣金香亭玉翠亭樂志齋曲
流館四神祠有假山曰堆繡山山上亭曰御景亭
東西二池有亭東曰浮碧西曰澄瑞萬曆十一年
毀觀化殿壘此東南曰瓊苑左門一名嘉福西南
曰瓊苑右門一名隆德欽安殿後曰順貞門即坤
寧門也此外則元武門矣皇極門之東曰會極門
門東曰文華殿有精一堂恭默室九五齋殿之後
曰玉食館北曰省愆居殿之西曰崇本門殿之後
曰刻漏房銅壺驗時之所再後則徽音門亦曰麟
趾門其內則慈慶宮又奉宸宮勛勤宮承華宮昭
儉宮麟趾門之東曰闕離左門再西曰元輝殿再
北朝南者曰寶善門迤東曰慈慶宮後門門之外
曰奉先殿即內太廟也街東則隆祀門其內則外

東裕庫也又東北並列二門曰履順蹈和則一號殿仁壽宮之門內有曠鸞宮階鳳宮宮妃養老之處自寶善門亦可通元武門其中之門則蓮花門也又皇極門之西曰歸極門門西曰武英殿殿西曰大庖曰尙膳監東北曰思善門曰仁智殿西南曰御酒房又北曰慈寧門嘉靖十五年以仁壽宮故址並撤大善殿建慈寧宮過慈寧宮皆內城直房再北過長庚橋則元武門矣又紫禁內城之外北安門東曰黃瓦東門街南曰尙衣監街北曰司設監再東酒酢廵局曰內織染局曰皮房紙房曰針工局曰巾帽局火藥局再東稍南曰供用庫曰番經廠曰漢經廠曰司苑局曰鐘鼓司再南曰新房曰都知監曰禮監曰御馬監再南曰杆子房北膳房南膳房曰煖閣廠曰宜器廠曰混堂司曰尙膳監曰百花房曰印綬監曰中書房曰蹠圓亭曰內承運庫曰外馬房過東上北門東曰彈子房曰學醫讀書處曰光祿寺曰籠頭房自東上南門之東曰重華宮制度如乾清宮有中路有兩

明宮雜詠卷十八

雜綴

三湘深館叢書

長街中路門曰永泰昭祥瑞端拱昭德重華廣愛咸熙肅雍康和麗春殿曰重華圓殿閣曰清和館曰迎春東長街門曰興善麗春長春清華高明宮曰寧福延福嘉福明德永春永寧宮春宜喜延春又東則內承運庫再東南則崇質宮俗云黑瓦殿景泰年間英宗居此所謂南城也再南則皇叟成藏歷朝宸翰及實錄左右小門曰體歷再東則追先閣欽天閣嘉靖中御製欽天頌石碑南則御作皇叟成之西過觀殿稍南則嘉樂館東爲蒼龍門南爲丹鳳門中爲龍德殿左右曰崇仁廣智北有橋玲瓏精巧來自西域橋之南北有飛虹戴鰲兩坊大學士姜立綱書東西有天光雲彩二亭又北壘石爲山曰秀岩山上有圓殿曰乾運其東西二亭曰凌雲御風山後有佳麗門又後爲永明殿最後爲圓殿引流水繞之曰環碧再北則玉芝宮門曰寶慶曰芝祥曰景神殿曰永孝殿曰大德殿其東牆外則觀心殿也自皇叟成東南有門通河河上有湧福閣原名澄輝稍北則呂梁洪則東安橋再

北橋亭曰涵碧又北曰同龍觀其殿曰崇德觀內
海棠每春開如堆繡又北安門西安樂堂再南
則黃西門曰內官監西則白石橋萬法殿大高元
殿吳眞闕相靈軒象一宮等處皆供奉仙道過北
中門之南曰壽皇殿曰百果園東曰永壽殿曰觀
德殿習射處也南則萬歲山山高一十四丈樹木
蒼鬱有毓秀壽春長春玩景集芳會景諸亭山下
一洞曰壽明殿曰觀化曰永壽樓曰玩春閣曰萬
福永康延寧山前門曰萬歲再南曰北上門左曰
北上東門右曰北上西門再南過北上門則元武
門曰袍房曰舊監庫曰尙膳外監甜食房曰西上
局曰袍房曰舊監庫曰尙膳外監甜食房曰西上
北門其東則西下馬門矣過西上南門則御用監
又南曰靈臺曰寶鈔司自中西之西則尙寶監鷹
房司再西出西苑門迤南向東曰灰池曰樂成殿
河之西曰河昭殿曰紫光閣曰陽德門曰萬壽宮
曰旋磨臺曰無逸殿曰幽風亭金海橋北曰玉照
宮曰承華殿曰元禧殿曰寶月亭曰清馥殿曰玉

明宮雜詠卷十八

雜錄

三

湖涿館藏書

媽媽井之東北金之瓊花島至元八年賜名萬
歲山俗呼爲蕭太后梳妝樓者誤也山皆奇石巒
成山三殿中曰仁智左曰介福右曰延和至其頂
爲廣寒殿左右四亭曰方壺瀛洲玉虹金露山北
有殿臨池曰凝和二亭臨水擁翠飛香西北有殿
用草曰太素後草亭曰歲寒左軒臨水曰遠趣前
草亭曰會景西岸南行有亭臨水曰映輝又南有
殿臨池曰迴翠有亭臨水曰澄波又西東小山引
泉噴激曰水簾有殿曰翼然再南則曰南臺有殿
臨水曰昭和瓊花島東南曰圓殿即承光殿有古
松三株曰金水橋有坊二一日金鰲一日玉螭再
南曰五雷殿即椒閣也實錄成焚草於此由金水
橋玉熙宮迤西曰櫺星門迤北曰羊房夾道虎城
再西曰西酒房曰花房曰經殿曰大光明殿曰太
極殿曰洗帛殿曰果園殿曰甲字十庫曰司鑰庫
曰惜薪司曰鴿子房曰西安門又皇城內河來
自玉泉山經高梁橋分而爲二一灌城隍一從德
勝水關匯入後湖至藥王廟西橋下流入禁地所

謂西苑太液池也池水又分爲二一環繞靈臺寶
鈔司東與護城河合流過長安右門之北經承天
門前再東過長橋左門之北曰湧福閣下從翼方
流出經玉河橋與城河會一自元武門之西從地
溝入由懷公門過長庚橋裏馬房橋經仁智殿西
御酒房東武英殿前思善門外皇極殿前文華殿
西而北而東自慈慶宮外南從地溝亦至翼方而
出會於玉河橋宙載暖閣在乾清宮後凡九間
中一間置牀三張於房下卽以天橋上左一間之
下置牀三張於上又以天橋下左二間之間置
牀三張於下又以天橋上左三間之間置牀三張
於下右四間亦如之天橋卽人家樓梯也凡九間
於下有下上下共置牀二十七張天子隨時居寢
有上有下上下共置牀二十七張天子隨時居寢
制度殊異水部備攷御用監成造天燈萬壽燈
日月仙燈又司禮監成造糊飾宮殿屏風窗格
綾紗紙窗酌中志慈寧宮慈慶宮皆有花園有
井有庫藏而乾清宮兩旁各有井無花園惟鐘粹

明宮雜詠卷十八 雜錄

三湘派館叢書

宮有松數株耳羸隱集臻福堂西有一樹鐵雲
板銜樹榦內僅露十之三蓋古物也故宮詩丁
亥春月寓止燕京過長春禪寺邂逅一老僧迺昔
御用監內侍也因從閒話得故宮中事四十條歸
鞍追憶一一占之敢乞宮體效顰聊以寄荆棘銅
駝之感傳自中官餘論庶可釋禁掖深邃之疑耳
詩云龍樓衣炙百餘盤錦被依牀丈六寬女侍一
時齊出閣至尊已進保和丸攜手簾前捲碧窗爲
憐月色厭銀缸還防立久階墀冷更進吳綾襖一
雙萼綠花開玉檻前後宮分餉一枝先非緣故劍
思私別螭首偏宜著翠翎自注宮中稱中宮爲後
宮龍不裹足鳳不包頭掖庭諺語也故有前二詠
定四庫全書提要擬故宮詞一卷徐宇昭撰不知
何許人是集凡詩四十首序稱順治丁亥春月寓
止燕都遇長春寺僧乃明宦者因從閒話得故宮
遺事四十條其詞不甚工注亦止寥寥數條野
獲編主上禁中游幸惟用櫻轎其制輕捷又減步
輦數倍 林屋集西苑卽事詩碧鷄朱鷺羽毛鮮

欽

小殿芙蓉貼水圓昨夜百花風信急御溝新藻有
紅泉甫田集秋日再經西苑錦纜稀游青雀暗
瑤波無際白鷗飛漢陂集午日從游西苑應制
詩鶯語巧隨歌曲細糴花嬌映御筵紅長秋揆日
分絲纒侍女承恩戲角弓可齋筆記賜游西苑
記太液池西南有一內最高處爲鏡殿乃金元時
所築元素子集內翔鳳樓詩嘉樹晴相映名
花晝自開桂洲集西苑寓直卽事湧玉亭前夜
放舟碧荷香靜雨初收遙看北岸紅烟裏水殿珠
簾盡上鉤黃金盤子熱龍涎波面風來香滿船銀
燭光搖簾影細水晶宮裏夜朝天喙鳴集西城
宮殿詩蓉殿重開寶曆春竹宮長鎖屬車塵桂
枝山房集春日游西苑宣室臨西苑靈臺對籍田
宮鶯迷綠雨廐馬飲清川柳引金堤直松舍玉殿
圓先皇受釐處寂寞鎖春煙處實堂集西苑志
感芙蓉別殿未央西煙氣晨飄雉尾齊泰泉集
入瓊華島尋遼后妝樓青梧飄素秋烟霜異昏旦
又云采蓮無緩歌握蘭有遺歎淋池翔玉鳧芳洲

明宮雜詠卷十八

雜綴

香

湘洋館叢書

宿朱雁

雲林稿燕京歌元會初分庭燎光君王
親御紫霞鵬不知五夜春多少白日猶聞蠟炬香

欽定日下舊聞考乾隆二十八年

御製液池泛舟注蓬島飛龍液池舟名尙前明物時
加修飾供御用又乾隆三十三年

御製太液池泛舟郎景注液池中有瀛海飛龍船層
樓飛甍勢甚閎麗蓋明時舊製歷年修葺壯觀而
已以觀於舉動每繫岸不用

明宮雜詠卷十九 叙目上

有明一代宮政之肅遠超二宋

宋室南渡柔福貽譏明至桂邸流離顛沛

能正寵姬常在之誅以肅宮闈

何論漢唐蓋太祖起自單微深知驕

奢淫侈之爲害故混一區宇卽立紅牌以戒妃后又

得聖女馬氏爲之配所垂家法實本周官遺意推廣

行之至其選后妃不於勳戚仕宦之家專禮聘民間

女以其能知稼穡艱難尤足補元公所未及惜乎彤

史之書不外傳史歲所記但詳冊封年時及后妃喪

葬諸禮節

明宮雜詠卷十九

叙目上一

湘涿館叢書

國朝修明史閱六十年而訖事書法至精善后妃列傳大書懿安殉國以雪傳聞之誣泉壤有知亦應感泣而宮闈遺聞史例不備載故時時散見於私家著述匡居多暇廣爲蒐輯幸遇

聖朝寬大久弛文網無所容其忌諱卽殷頑周逸所編

野史任其流傳不著禁令謹仿嚴成遂明史雜詠之

例四庫提要嚴成遂著明史雜詠四卷賦編明一代之事古近體相間故名雜詠

編明宮雜

詠十八卷叙目二卷都二十卷而自引諸書爲之注

則仍用南宋雜事詩例

智元前著有十國雜事詩十九卷

徵引各書

約六百種自辛卯秋迄今臘得古近體詩八百首合
家中女士八人詩共千首有奇夫詠史之作起於班
固承其流者唐胡曾周曇皆用近體元楊鐵崖明李
東陽則用樂府體是編詠明一代宮闈之事有非宮
詞所能賅括而瑣聞秘記又非樂府體所宜故兼用
古近體博雅君子諒不余譏昔西河有拾遺之記曩
臣有蕪史之編是書猶此志也若以詩律繩之則智
元實赧顏矣時光緒十九年癸巳嘉平長沙饒智元
自敘

明宮雜詠卷十九

敍目上

二 湘深館叢書

明宮雜詠總目

卷一 太祖 建文帝

卷二 成祖 仁宗 宣宗

卷三 英宗 景帝 憲宗

卷四 孝宗 武宗_上

卷五 武宗_下

卷六 世宗_上

卷七 世宗_下 穆宗

卷八 神宗_上

卷九 神宗下 光宗

卷十 熹宗上

卷十一 熹宗下

卷十二 莊烈帝一

卷十三 莊烈帝二

卷十四 莊烈帝三

卷十五 莊烈帝四

卷十六 福王唐王桂王宮詞體例須合宮人口吻故詩中仍稱官家至

尊而總曰
去其尊號

明宮雜詠卷十九 紋目上三 湘豫館藏書

卷十七 諸王

卷十八 雜綴遺聞軼事不紀年號無從區別具載於此

卷十九 紋目上

卷二十 紋目下

不驕之才度外之士世人怪詫刺譏相戒以為不可
近君子亦有時疑之然以彼其才什伯千萬億兆於
人而其志願又未嘗不在天下則使其嘿焉伏焉柔
之以義理悠之以歲時不壹氣質不近利名則道力
凝而謗談息矣而當其蒙被詬厲往往託於詩酒以

自寫其無聊不平幸而年壯氣盛猶足以有爲不幸而遂至於老且病或乃東泛海北踰嶺故自古不乏才其材而成成而獲其用者卒鮮惟二三豪俊爲能規其大而蘊之深雖嘗見棄於時而其所學終當爲家國天下所恃賴故足貴也饒君識三才名震余耳今恂恂以所著明宮雜詠索余敍且曰某自後不作詩甚矣饒君之善學也余時方論才請卽以爲贈奉新閔荷生

天生聰明英偉之士不數生而不能有成或反爲庸

明宮雜詠卷十九

敍目上四
補正館叢書

俗所笑或囿於小道或屢遷而無所守則亦不善自用其才耳吾邑饒子石頑幼穎悟所見皆言之元元本本余心異焉已而牽家累涉訟連年頗跡弛一日見余會城甚悔而殷勤問道余不學愧無以相勸略述舊聞欣然以去旋手近著索序且言此後當戒作詩夫流而悔悔而必求所以進德非聰明過人者不能饒子何善自用哉而以詩爲戒則又過矣學問之道有虛有實名物象數考據實也鬼神義理虛也實求其虛則精而靈虛求其實則大而博無虛則所謂

實者糟粕耳。以虛取實，則擷精液，華而虛，且生實而不窮。化有爲無，造無而有。先天不違，後天奉時，豈虛語哉。自小學囿於訓詁，厭者流入清談，雜之老佛程朱，幸起振之。後學又失塗徑，不知此心所至，無時無鄉，不知蟠天際，虛空之境，數千萬里，徒襲語錄，以文固陋。於是學乃無實，而且無虛。矯枉者又無虛，而因以無實。烏獲力舉百鈞，聖人不下堂階而治天下，烏獲百鈞，聖人天下皆實也。而所以舉百鈞，所以治天下，則虛也。周公教人格三物，實之目六，虛之目六。

明宮雜詠卷十九

按目上五

懶錄館藏書

因虛見實之目六，學者不可以悟哉。余不能詩，見宋以來講詩派詩法，苦其無謂。今饒子搜明宮軼事，播諸歌詠，不獨貞淫者可見，關雎鵲巢及宣姜褒姒諸什，所以爲法爲戒，卽宮詞宮怨，亦與小星江沱相發明。識鳥獸草木之實，求興觀羣怨之虛，以發爲事父事君之大。詩之興起，孰過於是。區區寄意風月，寫男女之情狀，以爲得風人之旨，而不知卽典故之富文章之義，以究興衰治忽之何所由。性情心術之何以正，天人何以會合，運會何以轉移，不猶淺之乎。爲詩

教哉易以畫而範圍不過曲成不遺禮以理而舉節
文之繁樂以律而窮幽明之變胥是道也而詩尤易
爲功孔子贊易曰探賾索隱鈎深致遠吾於詩亦云
惟至誠無所倚其次必致曲知詩之實而入詩之虛
亦倚性所近而參贊化育之始基焉已奚必戒哉饒
子守所得而加進焉庶幾能興於詩矣夫同邑彭樹

森

妃匹爲生民之始萬福之原王政必自內始故好仇

著而邨室興蒙妹蠱而禹鼎移嬪言肆豔妻煽而亳

明宮雜詠卷十九 敬目上

六 湘深館叢書

社墟宗周滅宮壺之邪正國家之隆替由之詩書所
述恣戒昭狀漢唐以下更無論矣饒君識三負經世
才博學好古國家興衰理亂之由古今得失善敗之
蹟四塞九邊之險扼形勝歐洲島國之兵略權謀一
一畱心鈎攷具言成書稽覽餘閒形爲吟咏每一篇
出人競傳寫所著十國雜事詩傳播藝林固已一時
紙貴不脛而走矣近復以言明一代宮政之肅超越
再古仿巖成遂明史襍詠著明宮襍詠若干卷仍用
十國舊例蒐輯群書自爲之注其製體則四五七言

古近律絕樂府詩謠無不備其命意則褒貶美刺箴
規誥誡風喻勸懲無不寓其纂言則怛悵婉轉雅澗
清麗慷慨磊落無不具其紀事則忠孝節烈民生國
計瑣語燕譚無不錄其搜羅摭摭之廣則正史雜史
外史野史逸史稗史以及郡國志乘私家著述詩文
集無不博采兼收其爲例雖循明史襍詠十國襍事
之常而其表章勝朝以示典則則與歷史之傳后妃
歐史之傳家人劉中壘之傳列女眞希元之衍重妃
匹嚴內治同一垂訓深心至其詩律之工則劉吏部
之贊漁洋山人或率而兒拜或矯而當熊或揚袂隨
風或遺世獨立杜考工之敘長爪生云風檣陣馬不
足爲其勇也瓦棺篆鼎不足爲其古也時花美女不
足爲其色也荒園墜殿梗莽邱壠不足爲其恨怨悲
愁也叭繩斯集允克當之異日傳世行遠其足與西
涯西堂咏史樂府並轡馳騁角逐無疑也君懷才不
偶負俗之累或頗不免吾鄉閔少窗農部序君斯集
所以礪礪君者甚厚吾則謂君才太高意太廣得名
太早遂覺遇合太遲夫鄧仲華周公瑾輩古今人何

渠不相及而叭禮四十曰強仕律之則君之齒未今
學使者且叭君優行上充楚南貢賦觀

光言日矣頃者日人構釁雖幸罷兵就撫而國勢日蹙
衰弱已形草莽臣庶人懷痛憤

聖天子旰食宵衣苦心焦慮於上丞相公卿百執事補苴
張皇奔走圖議於下思欲紆國難而固金湯要必力
求所以自彊之策夫欲自彊舍進賢用人曷由衰衰
臺省諸公豈遂無推賢讓能如王文正呂正獻其人
者乎當此需才孔急之秋茂才異等如君宜言一見
傾心愛君重君汲汲焉而推薦君者狀則本讀書經
世素志展其攘外安內之才叭上報

國家作人養士之恩叭一洒頻年喪師失地之恥而還
我

皇朝一統無外之舊勗哉石頑發名成業此其時矣君
上計伊邇適郵大箸索序余慨時事之多艱念故人
之遠別也爰道君述作之美并略表君經濟之才書
此叭應君請且贊君行萍鄉歐陽瓊

天下名山大川靈怪蘊伏不可終秘盤礴發皇產俊

異佐聖明戡定禍亂恢侈大猷其生也有自其興也
有時衡山據離位文明光氣蔚爲儒宗濂溪茶陵以
理學文章昌明前代地靈人傑豈不信哉咸同閒粵
寇猖熾一時蓋臣碩輔如曾文正左文襄均以名宿
幹旋指揮卒夷大難當其初練團營贊軍事憂讒畏
譏詎料其豐功偉烈一至是哉然其發端則始自二
三師儒如羅忠節李忠武類皆以諸生奮袂爲天下
先繼者雲起析爵擔圭以視周元公李西涯衍教風
世道不同成就固無不同也予以兵燹餘生侍親避

明宮雜詠卷十九

敘目上

九 湘陰館叢書

地獲交長沙二饒矜爲獨得文卿觀誓沉毅寡言笑
能持重不諧於俗以事牽牽絪誤不足爲詬病石頑
績學士讀書十行俱下心計指畫良平之才憎茲多
口韜光於織組聲律之閒作爲文章其書滿家頃以
優行貢成均適成明宮襍詠若干卷見示予謂此不
足盡石頑也石頑事繼母以順聞與人交恂恂似不

能言揣摩中外形勢機要探微汲深

石頑壬辰歲試張子虞學使試

以秋興詩有云潮聲東走海門高弓渡朱蒙絕世豪
秋稻連雲開郡縣寒潮乘月撼旌旄檠弧本是中華
裔臺米能通內地漕好爲 君王慎封守鸚鵡橫練
拭倭刀又是年有贈海峯上人往日本詩海上神山

一髮餘禪燈深夜靜龍魚好將梵夾銷兵氣莫以葫蘆貯僞書嬴呂連臣原族類中西邦誼有親疎高人爲訪岡千仞排難王門待曳裾余時贊美其工麗不意其言之不幸而中也事隔三稔燭照無遺謂爲奇才誰曰

其和平近人與羅忠節公崖岸迥異而忠義之志則無不同也曩在黔撫蔣廉生中丞署識了文誠於苦塊時方爲庶常廉生中丞使之治兵羣疑眾謗幾不自容同治中予讀禮鄉居識蘇宮保子熙於偏裨嘗偶敗大帥坐之纛下尋得釋卒立大功勳於越南均先後爲名將帥視曾左諸公與世齟齬逮成就均無不同也天下方多故石頑有不得已之衷

明宮雜詠卷十九 敘日 上 十 湘深館叢書

將爲羅忠節諸公之所爲其與曾左諸公同不同未可知也石頑勉乎哉史稱陳平美如冠玉張良如婦人女子石頑好奇計顧善病寡言辭其與良平不獨神似而形求固無不同亦可怪矣石頑以明宮雜詠挽予序名篇詭製沉博絕麗道友歐陽衛卿評之詳矣予第就知之獨深者論之石頑勉乎哉母務春華致掩秋實昔王承肇之生識者謂周公山佳氣減半地靈人傑豈不信哉石頑當堅持其志曾左聲施請以他日成就卜之並以此意告之文卿玉屏王中興

讀書貴得聞著書亦貴能搜聞斯書可傳傳可永古
今詩集汗牛充棟太白天才且遭覆瓿餘子碌碌更
無論矣饒君石頑有殊才工吟詠余往見其十國雜
事詩服其淵雅近復以勝國宮政遠軼唐宋廣搜公
私箸述數百種箸明宮雜詠若干卷仍用十國舊例
自爲之注或一事而系一詩或一詩而系數事十數
事其文則詩其事則史其詩大書卽提要也其事分
注卽備言也子朱子所謂昭鑒戒著幾微者詩中畧
具蓋詩也而史例寓焉卓哉饒君其諸讀書得聞且
能著書搜聞者矣其書之傳傳之永奚疑哉君以集
索序率綴數語用志嚮往合肥李松壽健人

明宮雜詠卷十九

教目上

十一
涇深館叢書

自班掾勦爲詠史之作六朝以來風靡雲蒸趾美者
多然大都皆借史以成詩未嘗因詩以存史厲樊榭
南宋雜事詩嚴成遂明史雜詠詩有專集體有專門
彬彬盛大備於時矣顧其屬辭比事究亦不外感物
吟志之常以云卽詩卽史卽史卽詩蓋有聞焉饒君
斯集詩至千首之多採書至九百餘種之廣以詩紀
事以事繫詩體破文質情兼雅怨殆駸駸欲度驪驅

前矣明史一日不廢則此詩可必其一日不沒世有識者當不河漢余言合肥李筠壽斐君

湘中大好山水代有異人中興以來魁儒大將起於筆底行間者湘人士什居七八豈其鍾毓使然哉長沙饒君識三幼而岐嶷及冠遭家難因是益發憤於有用之學中外事務一切著有成書出緒餘發爲吟詠有十國雜事詩之刻今又梓其明宮雜詠若干卷萍鄉歐陽先生叙其書推重君者甚至余於甲午春來此乙未仲夏始因歐陽先生之介得識於君眉宇

明宮雜詠卷十九

敘目上

二 湘溪館叢書

閒勃勃有英氣叩其學則讀書破萬卷矣今以優行貢於朝挾其箸作十餘種以行吾知當世名公卿必有競相推許如蘇氏父子之遇歐公李供奉之見重賀監者雖然士之伸於知己者以能得其大而識其真耳然則以君之才使區區以詩人目之抑又淺之乎視君矣上元劉啟琳

夫風首河洲肇宮詞之體史志藝文開子注之例綜彼二誼成吾一家邕椒房之墜徽徽稗海之佚乘婉而可思博而不誕索其悒要厥有二端其澄懷化原

延契風尙永歎絃外全神筆端解愜一曲不虞而舜
琴懋勤一箴不周而姜珥三尺毛女之血碧寒劍星
半段胡孫之頭赤班槍雪含識知感尋聲載啼精靈
欲嘯魂骨爲壯是謂可興斯善一也其博關萬流淵
鏡一是刊爲彤史獨斷之言擗零披觚集成之指乾
聖坤智之記廼畢羅千年含張孕王之弄不鑿空一
語使人吐內宮微得陰官之遺嚼咀豔騷窺內政之
本是謂可觀斯善二也閒持此論靜求同人海內萬
佻寥寥作者近得長沙饒君珊叔所爲明宮雜詠二
十卷讀而異之夫論承乾之正則漢後惟明覈儀坤
之貞則馬前無呂襄畫黼扆之側提聲掖庭之中紅
牌三宮榻以陰教率筦六局申之女箴月維旣張風
導斯廣蓋自孝慈正位之歲至於懿安殉國之年其
間鳳威鸞禎蘭馥蕙潔發色縑素騰聲竹青巖霜刃
磨手屈佞之前典酷雪果證淚懷清之古臺千尋寒
碧之波以銘心而入地三寸腥紅之鐔將握拳而擎
天類皆柏舟觥觥之遺足起蘭壺翼翼之正惜乎正
史不能具登嘗欲希裴彭之勝風肆排纂之鴻力營

四目於萬冊治百家而一陶前之鬱幽後以存監爲
注若干卷埒明史以傳迅陰電馳假褻未竟式覽君
作異流同原鬱思平生申契此製繹孔堂之指別有
會心敘詩史之言相期孟晉劉傳琛

詩首關睢終以殷武刑于之化捷伐之威詩人所尙
饒君石頑抱經世才寄情吟詠所著十國雜事詩往
歲讀之欽其博雅今春復以明宮雜詠見示詩之工
麗千人共見無俟稱述獨所引書至六百餘種之多
其嗜學之勤可概見矣方今海疆多事石頑又適以
優行貢於朝是編之作既深得詩首關睢之意倘
出其所學知攘夷尊夏更不難效殷武奮伐以雪
國家之恥石頑顧僅以詩名哉同學梁昌駿旭東

明宮雜詠卷十九

敘目上

西 湘流館叢書

詩三百篇皆有所爲而作也彼其人大都感慨鬱積
不獲大摅所抱乃借文辭以寫其豪邁不羈之思而
其言又足使千載下詠之者激發興起故尼聖勒爲
成書以垂後世不然文菑末務也士先器識而後文
菑藉使其言無取直糟粕耳亦奚取哉吾家湘淥先
生卓立千古髫齡入學不屑章句近觀強鄰日逼益

肆力於邊務研精覃思得未曾有乃復韜其不可一世之氣而發之於詩不段思索千萬言援筆立就其氣概可知矣嚮者著十國禱事詩十七卷茲又成明宮禱詠若干卷吾思讀者僅服其詞之高而失作者之意爰識其厓略於此受業弟俊潤生

余負性魯鈍讀書不成以官之粵尋因親老還家遂養拙市廛從不敢與人談文字光緒乙未孟夏月朔
諶子立三就余而談方入門隱几而吁據牀而泣睢

睢盱盱癡若木立余曰視子之身形銷骨毀行思坐

明宮雜詠卷十九 敘目上 五 兩溪館藏書

愁如有所失抑何以有用之才縱無益之戚也立三曰噫生我父母輔我妻孥哀瑩在疚琴瑟不終夢
上天何適之從余曰甚矣子之迂也夫權輿物始品類亭毒凡茲羣作莫匪備物君父者蓄我者也師友者成我者也妻與兄弟助我者也凡物亦然飲食所以養其生衣服所以章其體宮室所以宅其身而又有采色養其目聲音養其耳歌舞養其性情詩書養其氣質是皆天之所與以益我者也天與以益我則物存而御之物亡而棄之未爲過也今子之于物也

存則或恐其亡亡復妄冀其存勞心以苦身害身以
殉物日以天之所以益己者害己抑何不達于理而
不善用心以存其身也言未已適饒子識三挾所著
明宮雜詠屬序于余余曰識三以縱橫豪宕之才弱
冠牽家累涉訟連年豪勢莫能屈常以不諧于俗爲
世詬病而識三竟困其身不害其心危其身不移其
志閉戶讀書數年成等身著述可謂善用心以存其
身者矣立三與識三爲總角交嗣又與識三共患難
數年且咸以詞章名湘上竊人生百年旦暮事耳立
德旣難立言而僅以詞章見亦不足盡丈夫之業惟
自勉而思立功其庶幾乎且識三常畱心經世之務
于東西夷情形最悉若銳志而圖之何患無建樹地
乎二子皆未易才吾願立三勿以憂患傷其生識三
勿以詞章防其業若明宮雜詠者謂足存識三之名
則可終識三之志則不可至其書之美備人盡述之
當無俟鄙人之多言也因錄與立三所論以贈之但
余筆硯久荒以識三與余交最深不得不書數語以

附于末善化楊達先

石頑吾舊友，卅歲卽深情。每共登樓語，常爲臨水行。
豔才高伯玉，仙句奪長庚。落落明宮詠，吟壇四座傾。
釋笠雲

長沙才子饒珊瑚，一部宮詞粲筆花。瑜策同年經患

難，余與珊瑚同年，生僅長兩月耳。劉盧交誼薄雲霞。珊瑚繼室張氏，余從母之，女度

西先，生裔。閣門風雅七詞客，珊瑚夫人張氏如夫人，胡氏及女公子窈雲、窈雲綺雲、穀

雲、淑雲皆工吟詠。

聖代歌行兩大家

珊瑚之作酷似梅村祭酒，余有吳饒合刻之議，以珊瑚追配梅村，世有知

音當不以余言爲謬。會見獻詩金馬署，珠喉低轉遏琵琶。湘潭

用宮雜詠卷十九

教日上七

湘濠館叢書

胡式清澄廓

鍾離王氣黯然收，一代繁華付水流。燕塞風塵金粉

歇，薊遼禾黍故宮秋。花香無復人間聽，春怨難從國

史求。獨有詞宗工點綴，管絃歌詠徧中州。善化楊廷

瑞

故宮金碧總成塵，詩卷長留萬古新。南國歌謠全部

史西崑才調一家春，翠華想像山邱冷。紅袖悲歌筆

硯親，好把子京相比並。風流儒雅更無倫，九天闔

闔五雲空。玉樹瓊花入夢中，燕薊寢園秋草白。秣陵

禾黍夕陽紅淒涼舊事哀詞客寂寞遺塵弔故宮總
是壯懷消未盡誰知兒女亦英雄羽士劉峙水

屈宋風騷豔縹緗美人香草瀟瀟湘船山老去度西
死惟有先生獨冠場 宮人淚點紅心草帝子香兜

碧血花試向前朝一回首哀蟬和雨怨琵琶弟子鄭

雯鄰杜

勝國江山二百餘年徘徊古今任園亭樽酒滄桑共
話關河棋局禾黍成陰南望秦淮北瞻燕闕王氣千
秋兀自森搜羅富看書城擁處助我豪吟 知君才

明宮雜詠卷十九 敘目上

大 湘溪館叢書

調堪欽手廿卷新詩金石音歎吳宮花草埋殘幽徑
隨隄螢火散徧平林鑑彼興亡供予陶寫一片詞人
組織心西窗下待焚香剪燭披對璆琳右調沁園春
錢塘王以宣哲夫

明宮雜詠卷十九終

明宮雜詠卷二十 叙目下

引用書目

世祖實錄

聖祖仁皇帝御製詩集

高宗純皇帝御製詩集

欽定古今圖書集成

欽定廣羣芳譜

欽定書畫譜

欽定四庫全書提要

明宮雜詠卷二十 叙目下 一
湘源館叢書

大清一統志

御批通鑑輯覽

欽定續通典

皇朝通考

皇朝通典

欽定明鑑

欽定日下舊聞考

成祖實錄 楊士奇

仁宗實錄 楊士奇

宣宗實錄

英宗實錄 陳文

代宗實錄

孝宗實錄 李東陽

武宗實錄 費宏

世宗實錄 張居正

穆宗實錄 張居正

神宗實錄 顧秉謙

熹宗實錄 溫體仁

明宮雜詠卷二 一 叙目下 二 漸度館藏書

永曆實錄 王夫之

明通鑑 夏燮

明紀 陳鶴

皇明通紀 陳建

明史紀事本末 谷應泰

三藩紀事本末 楊陸榮

后紀 戚元佐

明宮史 呂毖。是書從劉若愚酌中志撮錄

明外史

史外 汪有典

南疆佚史 溫睿臨

南疆釋史摭遺 李瑤

東南紀事 邵廷采

西南紀事 邵廷采

史竊 尹守衡

明末五小史 鈔本

九朝野紀 祝允明

三朝野紀 李遜之

明宮雜詠卷二十 叙目下三 湘溪館叢書

野獲編 沈德符

野獲編補遺 朱茂曜

兩朝識小錄 朱茂曜

嘉隆聞見紀 沈越

甲申小紀 王朝○鈔本共五編計四十冊

明季北畧 計六奇

明季南畧 計六奇

小腆紀年 徐鼎

南江逸史

荆駝逸史

酌中志 劉若愚。朱彝尊曰下舊聞引此書名
蕪史

二申野記 孫之駿

肅皇外史 范守己

世廟聖政紀要 陳懿典

世廟識餘錄 徐學謨

武廟逸事 來集之

武宗外紀 毛奇齡

烈皇小識 文秉

明宮雜詠卷二十 叙目下
四 湖涿館叢書

聖安本紀 顧炎武。引荆駝逸史中足本

唐王佚事 鈔本

椒宮舊事 王達

椒宮遺事

懿安事畧 賀循

懿安皇后事辨 李驎
鈔本

戾園疑跡 鈔本

崇禎遺錄 王世德
鈔本

彤史拾遺記 毛奇齡

見聞實錄

拜鵬山人

春明夢餘錄

孫承澤

明季遺聞

鄒漪

綏寇紀畧

吳偉業

綏寇紀畧補遺

海東逸史

翁州老民
鈔本

甲乙史

舊京遺事

史弱翁

明稗類鈔

明宮雜詠卷二十

叙目下五

湖深館叢書

廿二史劄記

趙翼

國史考異

潘耒章

明會典

李東陽

明典禮志

郭正域

明典故紀聞

余繼登

嘉靖祀典

國史唯疑

黃景昉

國朝典彙

徐學聚

書史會要

陶宗儀

天潢玉牒

解縉

殿閣詞林記

廖道南

南京太常寺志

工部志

光祿寺志

徐必達

翰林記

黃佐

水部備考

周夢陽

水部彙攷

冬官紀事

明宮雜詠卷二十一

敘目下六

韻藻館藏書

廣寒殿記

宣帝

翰林志

李肇

正氣紀

大政紀

雷禮

初政錄

內訓

徐皇后

閨範

呂坤

明良記

楊儀

明倫大典

朱希周

召對記

廣東通志

郭表

廣西通志

謝啟昆

江西通志

李文敏

長沙府志

衡州府志

饒任

荊州府志

倪文蔚

廣信府志

廣南府志

鎮江府志

明宮雜詠卷二十 敘目下七 瀟深館叢書

濬縣志

番禺縣志

鄭陞

鳳陽縣志

謝永泰

江陵志餘

臨桂縣志

閩書

何喬遠

黔書

田雯

續黔書

張樹

滇繫

師範

桂勝

張鳴鳳

蜀故

彭遵泗

臺灣外紀

西湖志餘

田汝成

金陵餘燼

帝京景物畧

劉侗

北京歲華紀

陸啟泓

蜀道驛程記

王士禎

明宮雜詠卷二十

敘目下

八

湘滌館叢書

昌平山水記

顧炎武

湖山便覽

翟灝

隴蜀餘聞

王士禎

泉南雜志

燕都游覽志

孫國敎

容燕雜記

陸啟泓

震澤紀聞

王鏊

北游紀方

黃可家

廣陽雜記

劉獻廷

東皋雜記

董潮

湖塘雜記

陸次雲

鳳洲筆記

王世貞

粵雅堂叢書

伍崇曜

國史經籍志

焦竑

內閣藏書目錄

張萱

絳雲樓書目

錢謙益

龍興慈記

王文祿

宸垣識畧

吳長元

明宮雜詠卷二十

敘目下

九

開源館叢書

遼邸記聞

錢希言

貂璫史鑑

張世則

康輶紀行

姚瑩

行在陽秋

日下舊聞

朱彝尊

剪勝遺聞

徐禎卿

續幸存錄

夏復

劫灰錄

馮甦鈔本

西清筆記

沈初

西垣筆記

孫承澤

近峰紀畧

皇甫庸

先撥志始

文秉

攬蕙微言

顧其志

吳中野史

哀黍離

朱憲燮

痛餘雜錄

史楛

見聞錄

張萱

國權

談遷

明宮雜詠卷二十

敘目下十

湘濠館叢書

宙載

張合

宛署雜記

沈榜

清溪暇筆

姚福

三岡識畧

董含

碧里雜存

董穀

可齋筆記

彭時

暖姝由筆

徐充

玉堂叢語

焦竑

宦夢錄

黃太樞

弘藝錄

邵經邦

花箋錄

孫兆淮

盤悅卮談

程迓亭

紫柏禪師語錄

釋真可

玉堂薈記

楊士聰

玉臺書史

厲鶚

玉臺畫史

楊漱玉

池北偶談

王士禎

雲谷臥餘

張習孔

明宮雜詠卷二十一

敘明下士

湘深宮藏書

露書

姚旅

山書

水東日記

葉盛

畱青日札

田藝衡

郊外農談

張鈇

金龍退食筆記

高士奇

曠園雜志

吳陳琰

名山藏

何喬遠

五石瓠

長安客話

蔣一揆

病逸漫記

陸鈇

否泰錄

劉定之

蘇村小纂

祝允明

珊瑚漫鈔

文林

湧幢小品

朱國禎

賢奕編

劉元卿

淶水亭雜識

成德

藜牀瀋餘

陸清源

明宮雜詠卷二十

敘目下士

湘潭館叢書

遵生八箋

異林

徐昌國

觚臚

鈕琇

冬夜箋記

王崇簡

尊鄉贅筆

董含

詠化續編

禁禦秘聞

鈔本

座右編

茶餘客話

阮葵生

菽園雜記

陸容鈔本

遵聞錄

梁億

四友齋叢說

何良俊

菊隱紀聞

陸元輔

黃圖雜志

繆詠

肅松記

譚吉聰

所知錄

錢澄之

楚游聞見錄

董以寧

暝菴雜識

朱克敬

明宮雜詠卷二十一

敘目下三

湘深館叢書

識小編

周應賓

彙苑詳註

棗林雜俎

今言類編

鄭曉

大雲山房雜記

惲敬

人海記

查慎行

詞苑叢談

徐鉉

風倒梧桐記

何是非

北墅瑣言

陸次雲

眉公聞見錄 陳繼儒

穀城山房筆塵 于慎行

農候雜占 梁章鉅

紫桃軒雜綴 李日華

月山叢談 李文鳳

松亭行紀 高士奇

艮齋筆記 李澄中

費宮人傳 陸次雲

石渠隨筆 阮元

明宮雜詠卷二十一 故目下二十四 湘溪館叢書

蒿菴閒話 張爾岐

長物志 文震亨

陶庵夢憶 張岱

宣鑪注 冒襄

七頌堂識小錄 劉體仁

乘風居聞見錄 金鍾

韻石齋筆談 姜紹書

兩般秋雨庵隨筆 梁紹壬

槎庵小乘 來斯行

采疏日記 郁永和

宮殿額名

天香閣隨筆 李介

七修類稿 郎瑛

情史

板橋雜記 余懷

續板橋雜記

秦淮聞見錄

三蕉餘話 陶丙壽

明宮雜詠卷二十 敘目下五 湘深館叢書

觚不觚錄 王士禛

兔園冊

雅坪散錄 陸棻

筠廊偶筆 宋荦

墨緣彙觀錄 松泉居士

傍秋亭雜記 顧清

漁瀛臚志 王芝

珊瑚網

五雜俎 謝肇淛

過日集箋

瑤華集箋

蔣景祁

耳談

王同軌

懋書

蔣德璟

說聽

陸延枝

香乘

宣宗御製詩集

仁宗御製詩集

采芝吟

寧獻王權

明宮雜詠卷二十一

故目下

六 湘溪館叢書

長春競辰集

蜀成王

誠齋集

周憲王

青邛集

高啟

東里集

楊士奇

楊文敏公集

楊榮

金文靖公集

金幼孜

胡祭酒集

胡儼

毅齋集

王洪

胡文穆公集

胡廣

南冷集

蔣山卿

華陽集

皇甫沖

海目集

區大相

古穰集

李賢

白泉集

汪文盛

韓襄毅公集

韓雍

皇甫司勳集

皇甫汈

李太史集

李袞

張東海集

張弼

明宮雜詠卷二十一

故目下七

湘深館叢書

戴司城集

戴洵

太岳集

張居正

洪武宮詞

黃省曾

虞部集

歐大任

西原集

薛蕙

青藤書屋集

徐渭

端青閣詩集

夏雲英

于侍講集

于慎行

喙鳴集

沈一貫

林屋集 蔡羽

桂洲集 夏言

拘虛集 陳沂

甫田集 文徵明

漢陂集 王九思

元素子集 廖道南

泰泉集 黃佐

清權堂集 沈德符

馬文肅集 馬世奇

明宮雜詠卷二十一 敘目下六 湘徐館藏書

王文端公集 王直

白燕菴詩集 單恂

黃孔昭集 黃克晦

弇州山人稿 王世貞

鈴山堂集 嚴嵩

空同集 李夢陽

烏鼠山人集 胡纘宗

西元集 馬汝驥

華泉集 邊貢

震澤稿

王鏊

王肅敏公集

王廷相

石倉全集

曹學佺

古和稿

雷禮

方舟集

沈用濟

羣玉樓藁

李默

西澗集

劉然

有臺集

瓊河集

龔用卿

明宮雜詠卷二十 敘目下九

湘源館叢書

羸隱集

豢龍子集

董穀

三易齋集

唐時升

遣愁集

張貴勝

崇禎詩集

初覺集

有覺注

黃離草

郭正域

吳詩集覽

吳偉業

梅村集

吳偉業

西河詩集

毛奇齡

道援堂集

十笏草堂集

王士祿

帶經堂集

王士禎

精華錄訓纂

惠棟

精華錄箋注

金榮

水繪園集

冒襄

南雷文定前集

黃宗羲

明宮雜詠卷二

二一 敘目下三

湘濠館叢書

周藩王宮詞

牛恆

天啟宮詞

秦徵蘭
陳際攘爲己有

萬曆宮詞

陸卿子

崇禎宮詞

王譽昌

故宮詩

唐宇昭

勝國宮闈詩

顧宗泰

本事詩

徐欽

明樂府

萬斯同

明史樂府

尤侗

冬青館古宮詞 張蹇

外國竹枝詞 尤侗

金陵覽古詩 余賓碩

秋笳集 吳兆騫

婦人集 陳維崧

曝書亭集 朱彝尊

敬業堂集 查慎行

紅蕉集

湖海詩集 陳維崧

明宮雜詠卷二十 敘目下三 湘溪館叢書

鮎崎亭集 全祖望

槐野存笥集 王維禎

秣陵集 陳文述

金陵集 吳農祥

石磯集 孫繼芳

豐草菴集 董說

程侍郎遺集 程恩澤

幔亭集 徐燧

升恆堂集 吳翮

土音集

沈士柱

吾美堂集

沈思孝

邃懷堂詩集

袁翼

閱音齋集

嚴觀

餘事集

汪洪度

戢園集

程晉芳

瞿瞿齋詩稿

彭長宜

鐵巖集

金繭孫

田亭草

黃鳳翔

明宮雜詠卷二十 敘目下

三 湘源館叢書

雲林稿

劉效祖

沙河逸老小稿

馬日瑄

望岫亭詩稿

程嗣章

金陵雜詠

王友亮

鷺藤花館詩鈔

金鼇

邃懷堂駢文箋注

朱舫

對山集

林濂

遵巖家居集

王慎中

伐檀集

張元凱

桂枝山房集

張元凱

扶荔堂集

丁澎

萬卷樓稿

陳于陞

處實堂集

張鳳翼

朔野山人集

尹耕

薊邛集

王嘉謨

舟車集

陶澂

蜀秀集

樹蔭草堂集

談允謙

湖海集

孔尚任

悅隱山農集

李壽瀟

崑崙山房集

張篤慶

五畝園集

安箕

船山詩草

張問陶

紫峴山人集

張九鉞

鸞嘯堂詩集

李沂

樊榭山房集

厲鶚

十誦齋集

周天度

明宮雜詠卷二十 敘目下三

湘陰館叢書

周氏家藏集

周祚

聖雨齋詩集

周拱辰

青芝山館集

樂鈞同

霜猿集

鳳同谷

日觀山人文集

青溪書屋詩草

張灝

愛吾廬文鈔

馮舍人遺詩

馮廷樾

懋花菴詩注

葉廷瑄

明宮雜詠卷二十 敬目下

香涿館叢書

桃溪淨稿

謝鐸

吾友于齋詩鈔

張錫爵

碧溪草堂詩稿

朱文藻

心筠堂詩鈔

汪鈞

久自芳室詩鈔

李必昌

列朝詩集

明詩綜

朱彝尊

感舊集

王士禛

國朝山左詩鈔

盧見曾

國朝金陵詩徵

朱緒曾

粵西文載

汪森

湖海詩傳

王昶

黔詩紀畧

莫友芝

隨園女弟子詩

袁枚

帶經堂詩話

王士禎

西河詩話

毛奇齡

西河詞話

毛奇齡

靜志居詩話

朱彝尊

明宮雜詠卷二十一 敘目下三

湘源館叢書

夢樵詩話

板橋詞鈔

鄭燮

爨餘詞

郭麐

紫峴山人詩餘

張九鉞

天啓宮詞

周絜

天啓宮詞

蔣之翹

啓禎宮詞

高兆

建文帝後紀

邵遠平

明詞綜

王昶

續圖繪寶鑑

臥子集

陳子龍

洪武聖政記

宋濂

明宮雜詠卷二

一一 敘目下

三

湘陰館徵書

明宮雜詠卷二十終

